

**JAVNO KOMUNALNO PREDUZEĆE
„PANNONICA“ d.o.o. za sportsko
rekreativne aktivnosti TUZLA**

Šetalište Slana Banja bb, 75000 Tuzla, Bosna i Hercegovina
Kantonalni sud u Tuzli, broj: 032-0-Reg-09-11-00-1237
Račun broj: 1321000311574872, NLB Tuzlanska banka, d.d. Tuzla
ID broj: 4209598600008; PDV broj: 209598600008
Porezni broj: 03011041
Telefon/fax: +387 35 246-711; e-mail: panonica@bih.net.ba

Broj: 564/19

Datum: 04.04.2019. godine

Na osnovu člana 100. Zakona o javnim nabavkama Bosne i Hercegovine (Službeni glasnik BiH broj: 39/14), a postupajući po žalbi izjavljenoj od strane Advokata Grozde Đukić koja zastupa ponuđača „Lala i Laćo“ d.o.o. Bijeljina, ul. 1. maja broj 3, 76 300 Bijeljina, podnesenoj JKP Pannonica d.o.o. Tuzla dana 03.04.2019. godine, na tendersku dokumentaciju u postupku javne nabavke „Nabavka i sukcesivna isporuka piva“ broj Obavještenja 236-7-1-58-3-10/19 od 25.03.2019. godine, direktor JKP Pannonica d.o.o. Tuzla, dana 04.04.2019. godine, donosi

RJEŠENJE
o usvajanju žalbe

Usvaja se u cijelosti žalba, izjavljena od strane Advokata Grozde Đukić koja zastupa ponuđača „Lala i Laćo“ d.o.o. Bijeljina, ul. 1. maja broj 3, 76 300 Bijeljina na tendersku dokumentaciju u postupku javne nabavke „Nabavka i sukcesivna isporuka piva“ broj Obavještenja 236-7-1-58-3-10/19 od 25.03.2019. godine.

Ovo Rješenje je osnov za preduzimanje radnje ispravljanja od strane Ugovornog organa i izmjenu u okviru Tenderske dokumentacije broj 454/19 od 25.03.2019. godine.

Ugovorni organ će o preduzetoj radnji ispravke izmjenom Tenderske dokumentacije putem portala javnih nabavki obavijestiti sve potencijalne učesnike/kandidate o nastavku postupka, te će ovo Rješenje biti objavljeno na web stranici Ugovornog organa.

Rješenje stupa na snagu danom donošenja.

Obrazloženje

Postupak javne nabavke: Nabavka i sukcesivna isporuka piva je pokrenut Odlukom o pokretanju postupka broj 453/19 od 25.03.2019. godine. Procijenjena vrijednost javne nabavke bez PDV-a je 42.000,00 KM, a postupak se provodi putem konkurentskog zahtjeva za dostavu ponuda. Obavještenje o nabavci broj 236-7-1-58-3-10/19 je objavljeno na portalu javnih nabavki dana 25.03.2019. godine.

JKP Pannonica d.o.o. Tuzla je dana 03.04.2019. godine zaprimila žalbu od strane Advokata Grozde Đukić koja zastupa ponuđača „Lala i Laćo“ d.o.o. Bijeljina (u daljem tekstu: *Žalilac*) na tendersku dokumentaciju u predmetnom postupku broj 454/19 od 25.03.2019. godine.

Ugovorni organ JKP Pannonica d.o.o. Tuzla konstatuje da je žalba blagovremena, dopuštena i izjavljena od strane ovlaštene osobe.

U žalbi je navedeno da je *Žalilac* stava da tenderska dokumentacija nije u skladu sa Zakonom o javnim nabavkama BiH, da ugovorni organ nema pravo na revers (korištenje) tražiti opremu za točenje piva, pozivajući se na tačku 1. tenderske dokumentacije „Opis predmeta nabavke“ u kojoj stoji slijedeća napomena: „*Napomena: Izabrani ponuđač je dužan na revers obezbijediti 8 profesionalnih uređaja za točenje piva za vanjsku montažu (rad pri ekstremno visokim vanjskim temperaturama).*“ *Žalilac* je stava da zbog ovako postavljenog zahtjeva, Ugovorni organ prekoračuje svoje ovlaštenja, kao i da ne može od ponuđača kao jedan od uslova za učešće u postupku i za realizaciju ugovora tražiti na revers 8 profesionalnih uređaja za točenje piva.

Žalilac se dalje poziva na član 2. Zakona o javnim nabavkama BiH pri čemu se ugovor o javnoj nabavci karakteriše kao ugovor sa finansijskim interesom koji se zaključuje u pisanoj formi između dobavljača i ugovornog organa iz kojeg razloga ugovorni organ ne može da obaveže kandidate/ponuđače na obaveze, veće od onih koje su propisane zakonskim i podzakonskim propisima. Žalilac smatra da je postavljenim zahtjevom ugrožena pravična i otvorena konkurencija, a kao dokaz nezakonitog postupanja ugovornog organa, žalilac se poziva na praksu Ureda za razmatranje žalbi sadržanu u rješenju broj JN2-01-07-1-18-7/17 kao i rješenju broj JN2-03-07-1-1122-8/17.

S obzirom na sve naprijed navedeno, Žalilac smatra da se postupak javne nabavke mora obustaviti, te da ugovorni organ treba predmetnu žalbu usvojiti, a tendersku dokumentaciju urediti u skladu sa zakonskim odredbama u oblasti javnih nabavki.

Ugovorni organ smatra žalbeni navod osnovanim.

Ugovorni organ je putem Obavijesti o obustavi postupka javne nabavke – Nabavka i sukcesivna isporuka piva broj 557/19 od 04.04.2019. godine obavijestio sve potencijalne ponuđače/kandidate koji su preuzeli tendersku dokumentaciju sa portala javnih nabavki da će se postupak nastaviti nakon postupanja Ugovornog organa po ovoj žalbi. Objavom Izmjene tenderske dokumentacije svi potencijalni ponuđači/kandidati će biti informisani o nastavku postupka konkurentskog zahtjeva za dostavu ponuda: Nabavka i sukcesivna isporuka piva.

Ugovorni organ JKP Pannonica d.o.o. Tuzla će Žaliocu nadoknaditi tražene troškove.

Pouka o pravnom lijeku: Protiv ovog Rješenja se može izjaviti žalba Uredu za razmatranje žalbi (URŽ), putem Ugovornog organa u roku od 5 (pet) dana od dana prijema Rješenja.

Dostavljeno:

1x Lala i Lačo d.o.o. Bijeljina
1x Advokat Grozda Đukić
1x a/a



Direktor

Majid Porobić